

بِسْمِ اللَّهِ الرَّحْمَنِ الرَّحِيمِ

বই নং ৫১। www.motaher21.net

فَاكْتُبُوهُ

" লিখে রেখো! "

" Write down! "

يَا أَيُّهَا الَّذِينَ ءَامَنُوا إِذَا تَدَايَنْتُمْ بِدِينٍ إِلَىٰ أَجَلٍ مُّسَمًّى فَاكْتُبُوهُ ۚ وَلْيَكْتُب بَيْنَكُمْ كَاتِبٌ بِالْعَدْلِ ۚ وَلَا يَأْب كَاتِبٌ أَنْ يَكْتُبَ كَمَا عَلَّمَهُ اللَّهُ ۚ فَلْيَكْتُبْ وَلْيَمْلِكِ
الَّذِي عَلَيْهِ الْحَقُّ وَلْيَتَّقِ اللَّهَ رَبَّهُ وَلَا يَبْخَسْ مِنْهُ شَيْئًا ۚ فَإِن كَانَ الَّذِي عَلَيْهِ الْحَقُّ سَفِيهًا أَوْ ضَعِيفًا أَوْ لَا يَسْتَطِيعُ أَنْ يُمْلَ هُوَ فَلْيَمْلِكْ وَلِيَّهُ بِالْعَدْلِ ۚ
وَاسْتَشْهِدُوا شَهِيدَيْنِ مِنْ رِجَالِكُمْ ۚ فَإِن لَّمْ يَكُونَا رَجُلَيْنِ فَرَجُلٌ وَامْرَأَتَانِ مِمَّن تَرْضَوْنَ مِنَ الشُّهَدَاءِ أَن تَضِلَّ إِحْدَاهُمَا فَتُذَكَّرَ إِحْدَاهُمَا الْأُخْرَى ۚ
وَلَا يَأْب الشُّهَدَاءُ إِذَا مَا دُعُوا ۚ وَلَا تَسْمُوا أَن تَكْتُبُوهُ صَغِيرًا أَوْ كَبِيرًا إِلَىٰ أَجَلٍ ۚ ذَٰلِكُمْ أَوْسَطُ عِنْدَ اللَّهِ وَأَقْوَمٌ لِلشُّهَدَةِ وَأَدْنَىٰ أَلَّا تَرْتَابُوا ۚ إِلَّا أَن
تَكُونَ تَجْرَةً خَاصِرَةٌ تُدِيرُونَهَا بَيْنَكُمْ فَلَيْسَ عَلَيْكُمْ جُنَاحٌ أَلَّا تَكْتُبُوهَا ۗ وَأَشْهَدُوا إِذَا تَبَايَعْتُمْ ۚ وَلَا يُضَارَّ كَاتِبٌ وَلَا شَهِيدٌ ۚ وَإِن تَفَعَّلُوا فَإِنَّهُ فَسُوقٌ
بِكُمْ ۗ وَاتَّقُوا اللَّهَ ۗ وَيُعَلِّمُكُمُ اللَّهُ ۗ وَاللَّهُ بِكُلِّ شَيْءٍ عَلِيمٌ

হে বিশ্বাসীগণ! যখন তোমরা নির্দিষ্ট সময়ের জন্য ধারে ব্যবসা করবে, তখন তা লিখে রাখবে, তোমাদের মধ্যে যেন কোন একজন লেখক ন্যায্যভাবে লিখে দেয়, লেখক যেন লিখতে অস্বীকার না করে, যেকোন মহান আল্লাহ্ তাকে শিক্ষা দিয়েছেন। কাজেই সে যেন লিখে এবং কর্য-গ্রহীতা যেন লেখার বিষয়বস্তু বলে দেয় এবং তার প্রতিপালক মহান আল্লাহর ভয় রাখে এবং প্রাপ্য থেকে যেন কোনো প্রকারের কাটছাঁট না করে। যদি কর্য-গ্রহীতা স্বল্প-বুদ্ধি অথবা দুর্বল কিংবা লেখার বিষয়বস্তু বলতে অক্ষম হয়, তবে তার অভিভাবক যেন লেখার বিষয়বস্তু ন্যায্যভাবে বলে দেয় এবং তোমাদের আপন পুরুষ লোকের মধ্য থেকে দু'জন সাক্ষী রাখো, যদি দু'জন পুরুষ না পাওয়া যায়, তাহলে একজন পুরুষ ও দু'জন স্ত্রী লোক, যাদের সাক্ষ্য সম্পর্কে তোমরা রাজী আছো, এটা এজন্য যে, যদি একজন ভুলে যায় তবে অন্যজন স্মরণ করিয়ে দিবে এবং যখন সাক্ষীগণকে ডাকা হবে, তখন যেন সাক্ষ্য দিতে অস্বীকার না করে। ছোট হোক বা বড় হোক তোমরা নির্দিষ্ট মেয়াদসহ লিখে রাখাকে তাচ্ছিল্যভরে উপেক্ষা করো না। এ লিখে রাখা মহান আল্লাহর নিকট ইনসাফ বজায় রাখার জন্য দূততর, সঠিক প্রমাণের জন্য সহজতর এবং তোমরা যাতে কোনো সন্দেহে পতিত না হও এর নিকটবর্তী। কিন্তু যদি কোন সওদা তোমরা পরস্পর নগদ নগদ সম্পাদন করো, তবে না লিখলেও তোমাদের কোন দোষ নেই। আর তোমরা যখন পরস্পর কেনাবেচা করো তখন সাক্ষী রেখো। কোনো লেখক ও সাক্ষীকে যেন কষ্ট দেয়া না হয় এবং যদি এরূপ করো, তাহলে তোমাদের গুনাহ হবে। কাজেই মহান আল্লাহ্ কে ভয় করো এবং মহান আল্লাহ্ তোমাদের শিক্ষা দিচ্ছেন এবং মহান আল্লাহ্ সর্ববিষয়ে সুপরিজ্ঞাত।

সূরা বাকার

২৮২ নং আয়াতের তাফসীর:

লিখিত লেনদেনে পরবর্তী সময়ে উপকার রয়েছে

কুর'আনুল কারীমে এ আয়াতটি সবচেয়ে বড় আয়াত। সাঈদ ইবনুল মুসাইয়াব (রহঃ) বলেন: 'আমার নিকট বর্ণিত হয়েছে যে, 'আরশ থেকে কুর'আন মাজীদের জন্য সর্বশেষ যে আয়াত নাযিল হয়েছে তা হলো ঋণের এই আয়াতটি। (তাফসীর তাবারী-৬/৪১) এই আয়াতে মহান আল্লাহ তাঁর ঈমানদার বান্দাদেরকে নির্দেশ দিচ্ছেন: ﴿يَا أَيُّهَا الَّذِينَ آمَنُوا إِذَا تَدَايَيْتُمْ بِدِينٍ إِلَىٰ أَجَلٍ مُّسَمًّى فَاكْتُبُوهُ﴾ 'তারা যেন আদান-প্রদান লিখে রাখে, তাহলে ঋণের পরিমাণ ও নির্ধারিত সময়ের ব্যাপারে কোন গুণগোল সৃষ্টি হবে না। এতে সাক্ষীরাও ভুল করবে না। এর দ্বারা ঋণের জন্য একটি সময় নির্ধারিত করার বৈধতাও সাব্যস্ত হচ্ছে। আয়াতটি অবতীর্ণ হলে রাসূলুল্লাহ (সাল্লাল্লাহু 'আলাইহি ওয়া সাল্লাম) বলেন: আদম (আঃ) -ই অস্বীকারী। মহান আল্লাহ আদম (আঃ) -কে সৃষ্টি করার পর তার পৃষ্ঠদেশে হাত বুলিয়ে দেন। ফলে কিয়ামত পর্যন্ত তার যতোগুলো সন্তান জন্মগ্রহণ করবে সবাই বেরিয়ে আসে। আদম (আঃ) তার সন্তানদেরকে স্বচ্ছ দেখতে পান। একজনকে অত্যন্ত হুঁপুটু ও ঔঙ্খল্যময় দেখে জিজ্ঞেস করেন হে মহান আল্লাহ! এর নাম কি? মহান আল্লাহ বলেন: এটা তোমার সন্তান দাউদ (আঃ)। তিনি জিজ্ঞেস করেন: তার বয়স কতো? মহান আল্লাহ বলেন: ষাট বছর। তিনি বলেন: তার বয়স আরো কিছুদিন বাড়িয়ে দিন! মহান আল্লাহ বলেন: না, তা হবে না। তবে তুমি যদি তোমার বয়সের মধ্যে হতে তাকে কিছু দিতে চাও, তবে দিতে পারো। তিনি বলেন: হে মহান আল্লাহ! আমার বয়সের মধ্যে হতে চল্লিশ বছর তাকে দেয়া হোক। সুতরাং তা দেয়া হয়। আদম (আঃ) -এর বয়স ছিলো এক হাজার বছর। বয়সের এই আদান প্রদান লিখে নেয়া হয় এবং ফিরিশতাদেরকে এর ওপর সাক্ষী রাখা হয়। আদম (আঃ) -এর মৃত্যুর সময় উপস্থিত হলে তিনি বলেন: হে মহান আল্লাহ! আমার বয়সের এখনো তো চল্লিশ বছর অবশিষ্ট রয়েছে? মহান আল্লাহ তখন বলেন: তুমি তোমার সন্তান দাউদ (আঃ) -কে চল্লিশ বছর দান করেছো? আদম (আঃ) তা অস্বীকার করেন। তখন তাকে ঐ লিখা দেখানো হয় এবং ফিরিশতাগণ সাক্ষ্য প্রদান করেন। (মুসনাদ আহমাদ -১/২৫১, ২৯৯, ৩৭১, মুসনাদ আবু দাউদ আত তায়ালিসী-২৬৯১, আল মাজমা'উযযাওয়ায়িদ-৮/২০৬, জামি'তিরমিযী-৫/২৪৯/৩০৭৬। ইমাম তিরমিযী হাদীস টি কে সহীহ বলেছেন) দ্বিতীয় বর্ণনায় রয়েছে যে, মহান আল্লাহ আদম (আঃ) -এর বয়স এক হাজার বছর পূর্ণ করেছিলেন এবং দাউদ (আঃ) -এর বয়স করেছিলেন একশ' বছর। কিন্তু এই হাদীসটি অত্যন্ত গারীব। এর একজন বর্ণনাকারী 'আলী ইবনু যায়দ ইবনু জাদ'আন হতে বর্ণিত হাদীস গুলো অগ্রাহ্য হয়ে থাকে। মুসতাদরাক হাকিমের মধ্যেও এই বর্ণনাটি রয়েছে।

ইবনু 'আব্বাস (রাঃ) থেকে বর্ণিত আছে: রাসূলুল্লাহ (সাল্লাল্লাহু 'আলাইহি ওয়া সাল্লাম) যখন মাদীনায় আসেন তখন এখানকার লোকদের মধ্যে এই রীতি ছিলো যে, এক কিংবা দুই বছর আগেই তারা তাদের গাছের ফলের মূল্য বাবদ অগ্রিম টাকা নিয়ে নিতো। তাদের এ ধরনের লেনদেন দেখে রাসূলুল্লাহ (সাল্লাল্লাহু 'আলাইহি ওয়া সাল্লাম) বললেন:

مَنْ أَسْلَفَ فَلْيَسْلَفْ فِي كَيْلٍ مَعْلُومٍ، ووزن معلوم، إلى أجل معلوم

‘তোমরা যারা অগ্রিম টাকা (খেজুর বিক্রি বাবদ) নিতে চাও তারা নির্দিষ্ট সময়ের উল্লেখসহ ওয়ন বা পরিমাপের কথা উল্লেখ করে নিবো।’ (সহীহুল বুখারী-৪/৫০১/২২৪১, ফাতহুল বারী -৪/১০৫, সহীহ মুসলিম- ৩/১২২৬/হা-১২৮, সুনান আবু দাউদ-৩/২৭৫/৩৪৬৩, জামি‘তিরমিযী -৩/৬০২/১৩১১, মুসনাদ আহমাদ - ১/২১৭)

কুর’আনুল কারীমে নির্দেশ হচ্ছে, ‘তোমরা লিখে রাখো।’ আর হাদীসে রয়েছে, রাসূলুল্লাহ (সাল্লাল্লাহু ‘আলাইহি ওয়া সাল্লাম) বলেছেন: আমরা নিরক্ষর উম্মাত, না আমরা লিখতে জানি, না হিসাব জানি। (সহীহুল বুখারী- ৪/১৫১/১৯১৩, সহীহ মুসলিম-২/৭৬১/১৫, সুনান আবু দাউদ-২/২৯৬/২৩১৯, সুনান নাসাঈ - ৪/৪৪৬/২১৩৯, মুসনাদ আহমাদ -২/১২২) এই দু’য়ের মধ্যে সামঞ্জস্য এইভাবে যে, ধর্মীয় জিজ্ঞাস্য বিষয়াবলী এবং শারী‘আতের বিধানসমূহ লিখার মোটেই প্রয়োজন নেই। স্বয়ং মহান আল্লাহর পক্ষ হতে এগুলো অত্যন্ত সহজ করে দেয়া হয়েছে। কুর’আন মাজীদ ও হাদীসুন নাবাবী মুখস্থ রাখা মানুষের জন্য প্রকৃতিগতভাবেই সহজ। কিন্তু ইহলৌকিক ছোট খাট আদান প্রদান ও ধার-কার্যের বিষয়গুলো আবশ্যই লিখে রাখার নির্দেশ দেয়া হয়েছে। তাছাড়া এটাও স্মরণ রাখার বিষয় যে, এই নির্দেশ ফরযের জন্য নয়। সুতরাং না লিখা ধর্মীয় কার্যে এবং লিখে রাখা সাংসারিক কার্যে প্রযোজ্য। অবশ্য কেউ কেউ এই লিখে রাখাকে ফরযও বলেছেন।

ইবনু জুরাইজ (রহ:) বলেছেন, যে ধার দিবে সে লিখে রাখবে এবং যে বিক্রি করবে সে সাক্ষী রাখবে। আবু সূলাইমান মিরআশী (রহ:) বহুদিন কা‘বের সংস্পর্শে এসেছিলেন। তিনি একবার তার পাশবর্তী লোকদের বলেন- ঐ অত্যাচারিত ব্যক্তি, যে মহান আল্লাহর নিকট প্রার্থনা করে অথচ তার প্রার্থনা গ্রহণীয় হয় না। তোমরা তার পরিচয় জান কি? তারা বললো এটা কিরূপে? তিনি বলেন, এটা ঐ ব্যক্তি যে ব্যক্তি একটা নির্ধারিত সময়ের জন্য ধার দেয় কিন্তু সাক্ষীও রাখে না আবার তা লিখেও রাখে না। অতঃপর নির্ধারিত সময় অতিবাহিত হওয়ার পর সে তাগাদা শুরু করে এবং ঋণী ব্যক্তি তা অস্বীকার করে। তখন এই লোকটি মহান আল্লাহর নিকট প্রার্থনা করে কিন্তু তাঁর, প্রার্থনা গৃহীত হয় না। কেননা, সে মহান আল্লাহর নির্দেশের বিপরীত করেছে। সুতরাং সে তার অবাধ্য হয়েছে। আবু সা‘ঈদ (রহ:) , শা‘বী (রহ:) , রাবী‘ ইবনু আনাস (রহ:) , হাসান বাসরী (রহ:) , ইবনু জুরাইজ (রহ:) , ইবনু যায়দ (রহ:) প্রমুখের উক্তি এই যে, এভাবে লিখে রাখার কাজটি প্রথমে অবশ্য করণীয় কাজ ছিলো। কিন্তু পরে তা রহিত হয়ে যায়।

পরে মহান আল্লাহ বলেন: فَإِنْ أَمِنَ بَعْضُكُم بَعْضًا فَلْيُؤَدِّ الَّذِي أُؤْتِيَ مَأْتَهُ ‘যদি তোমাদের একে অপরের প্রতি আস্থা থাকে তাহলে যার নিকট তার আমানত রাখা হবে তা যেন সে আদায় করে দেয়।’ (তাফসীর তাবারী ৬/৪৭, ৪৯, ৫০) এর দলীল হচ্ছে নিম্নের হাদীসটি। এই ঘটনাটি পূর্বযুগীয় উম্মাতের হলেও তাদের শারী‘আতই আমাদের শারী‘আত, যদি আমাদের শারী‘আত তা অস্বীকার না করে। যে ঘটনা আমরা এখন বর্ণনা করতে যাচ্ছি তাতে লিখা-পড়া না হওয়া এবং সাক্ষী ঠিক না রাখাকে আইন রচয়িতা রাসূলুল্লাহ (সাল্লাল্লাহু ‘আলাইহি

ওয়া সালাম) অস্বীকার করেননি। মুসনাদ আহমাদে রয়েছে, রাসূলুল্লাহ (সাল্লাল্লাহু ‘আলাইহি ওয়া সাল্লাম) বলেছেন:

أَنَّ رَجُلًا مِنْ بَنِي إِسْرَائِيلَ سَأَلَ بَعْضَ بَنِي إِسْرَائِيلَ أَنْ يُسَلِّفَهُ أَلْفَ دِينَارٍ، فَقَالَ: انْتَبِي بِشَهْدَاءِ أَشْهَدُهُمْ. قَالَ: كَفَى بِاللَّهِ شَهِيدًا. قَالَ: انْتَبِي بِكَوَيْلٍ. قَالَ: كَفَى بِاللَّهِ كَيْفِيًّا. قَالَ: صَدَقْتَ. فَدَفَعَهَا إِلَيْهِ إِلَى أَجْلِ مُسَمًّى، فَخَرَجَ فِي الْبَحْرِ فَقَضَى حَاجَتَهُ، ثُمَّ التَّمَسَ مَرْكَبًا يَدْعُمُ عَلَيْهِ لِأَجْلِ الَّذِي أَجَلَهُ، فَلَمْ يَجِدْ مَرْكَبًا، فَأَخَذَ خَشْبَةً فَنَقَرَهَا فَأَدْخَلَ فِيهَا أَلْفَ دِينَارٍ وَصَحِيفَةً مَعَهَا إِلَى صَاحِبِهَا، ثُمَّ رَجَعَ مُوَضِعَهَا، ثُمَّ أَتَى بِهَا الْبَحْرَ، ثُمَّ قَالَ: اللَّهُمَّ إِنَّكَ قَدْ عَلِمْتَ أَنِّي اسْتَسْلَفْتُ فَلَانًا أَلْفَ دِينَارٍ، فَسَأَلَنِي كَيْفِيًّا فَقُلْتُ: كَفَى بِاللَّهِ كَيْفِيًّا. فَرَضِي بِذَلِكَ، وَسَأَلَنِي شَهِيدًا، فَقُلْتُ: كَفَى بِاللَّهِ شَهِيدًا. فَرَضِي بِذَلِكَ، وَإِنِّي قَدْ جَهَدْتُ أَنْ أُجِدَ مَرْكَبًا أُبْعَثُ بِهَا إِلَيْهِ بِالَّذِي أَعْطَانِي فَلَمْ أُجِدْ مَرْكَبًا، وَإِنِّي اسْتَوْدَعْتُكَهَا. فَرَمَى بِهَا فِي الْبَحْرِ حَتَّى وَلَجَتْ فِيهِ، ثُمَّ انْصَرَفَ، وَهُوَ فِي ذَلِكَ يَطْلُبُ مَرْكَبًا إِلَى بَلَدِهِ، فَخَرَجَ الرَّجُلُ الَّذِي كَانَ أَسْلَفَهُ يَنْظُرُ لَعَلَّ مَرْكَبًا تَجِيئُهُ بِمَالِهِ، فَإِذَا بِالْخَشْبَةِ الَّتِي فِيهَا الْمَالُ، فَأَخَذَهَا لِأَهْلِهِ حَطْبًا فَلَمَّا كَسَرَهَا وَجَدَ الْمَالَ وَالصَّحِيفَةَ، ثُمَّ قَدَّمَ الرَّجُلَ الَّذِي كَانَ تَسَلَّفَ مِنْهُ، فَأَتَاهُ بِأَلْفِ دِينَارٍ وَقَالَ: وَاللَّهِ مَا زِلْتُ جَاهِدًا فِي طَلْبِ مَرْكَبٍ لِأَتَيْتِكَ بِمَالِكَ فَمَا وَجَدْتُ مَرْكَبًا قَبْلَ الَّذِي أَنْتَبَيْتَ فِيهِ. قَالَ: هَلْ كُنْتَ بَعَثْتَ إِلَيَّ بِشَيْءٍ؟ قَالَ: أَلَمْ أُخْبِرْكَ أَنِّي لَمْ أُجِدْ مَرْكَبًا قَبْلَ هَذَا الَّذِي جِئْتُ فِيهِ؟ قَالَ: فَإِنَّ اللَّهَ قَدْ أَدَّى عَنْكَ الَّذِي بَعَثْتَ بِهِ فِي الْخَشْبَةِ، فَانْصَرَفَ بِالْهَيْكَلِ رَاشِدًا.

‘বানী ইসরাঈলের এক লোক অন্য এক লোকের কাছে এক হাজার দীনার অর্থাৎ স্বর্ণ মুদ্রা ধার চায়। সে বলে: ‘সাক্ষী আনো।’ সে উত্তরে বললো: ‘মহান আল্লাহর জামানতই যথেষ্ট।’ তখন ঋণদাতা লোকটিকে বলে: ‘তুমি সত্যি বলছো।’ অতঃপর ঋণ আদায়ের সময় নির্ধারিত হয় এবং সে তাকে এক হাজার স্বর্ণ মুদ্রা গুণে দেয়। এরপর ঋণ গৃহীতা লোকটি সামুদ্রিক ভ্রমণে বের হয় এবং নিজের কাজ হতে অবকাশ লাভ করে। ঋণ পরিশোধের মেয়াদ পূর্ণ হওয়ার সময় নিকটবর্তী হলে সে সমুদ্রের তীরে আগমন করে। তার ইচ্ছা এই যে, কোন জাহাজ এলে তাতে উঠে বাড়ী চলে আসবে এবং ঐ লোকটির ঋণ পরিশোধ করে দিবে। কিন্তু সে কোন জাহাজ পেলো না। যখন সে দেখলো যে, সে সময় মতো পৌঁছাতে পারবে না। তখন সে একখানা কাঠ নিয়ে খোদাই করলো এবং তাতে এক হাজার স্বর্ণ মুদ্রা রেখে দিলো এবং এক টুকরো কাগজও রাখলো। এরপর এর মুখ বন্ধ করে দিলো এবং মহান আল্লাহর নিকট প্রার্থনা করলো, হে প্রভু! আপনি খুব ভালো জানেন যে, আমি অমুক ব্যক্তির নিকট এক হাজার স্বর্ণ মুদ্রা ধার করেছি। সে আমার নিকট জামানত চাইলে আমি আপনাকেই জামিন দেই এবং তাতে সে সন্তুষ্ট হয়ে যায়। সে সাক্ষী উপস্থিত করতে বললে আমি আপনাকেই সাক্ষী রাখি। সে তাতেও সন্তুষ্ট হয়ে যায়। এখন সময় শেষ হতে চলেছে, আমি সদা নৌযান অনুসন্ধান করতে থাকছি যে, নৌযানে চড়ে বাড়ী গিয়ে কর্তব্য পরিশোধ করবো। কিন্তু কোন নৌযান পাওয়া যাচ্ছে না। এখন আমি সেই পরিমাণ মুদ্রা আপনাকেই সমর্পণ করছি এবং সমুদ্রে নিক্ষেপ করছি ও প্রার্থনা করছি যেন আপনি এই মুদ্রা তার নিকট পৌঁছে দেন।’ অতঃপর সে ঐ কাঠটি সমুদ্রে নিক্ষেপ করে এবং নিজ অবস্থান স্থলে চলে আসে কিন্তু তবুও সে নৌযানের খোঁজে রতই থাকে যাতে নৌযান পেলে সে চলে যাবে। এখানে তো এই অবস্থার উদ্ভব হলো। আর ওখানে যে ব্যক্তি তাকে ঋণ দিয়েছিলো সে যখন দেখলো যে, ঋণ পরিশোধের সময় হয়ে গেছে এবং আজ তার যাওয়া উচিত। অতএব সেও সমুদ্রের তীরে গেলো যে, হয়তো ঐ ঋণগ্রহীতা ফিরে আসবে এবং তার ঋণ পরিশোধ করবে কিংবা কারো হাতে পাঠিয়ে দিবে। কিন্তু যখন সন্ধ্যা হয়ে গেলো এবং সে এলো না তখন সে ফিরে আসার মনস্থ করলো। সমুদ্রের ধারে একটি কাঠ দেখে মনে পড়লো, বাড়ী তো খালি হাতেই যাচ্ছি, কাঠটি নিয়ে যাই। একে ফেরে শুকিয়ে জ্বালানি কাঠরূপে ব্যবহার করা যাবে। বাড়ী পৌঁছে কাঠটিকে ফারা মাত্রই ঝনঝন করে বেজে উঠে স্বর্ণ মুদ্রা বেরিয়ে আসে। গণনা করে দেখে যে, পুরো এক হাজারই রয়েছে। তার কাগজ খণ্ডের ওপর দৃষ্টি পরে। ওটা উঠিয়ে পড়ে নেয় অতঃপর একদিন ঐ লোকটি এসে এক হাজার দীনার পেশ করে বলে, ‘আপনার প্রাপ্য মুদ্রা গ্রহণ করুন এবং আমাকে ক্ষমা করুন। আমি অস্বীকার ভঙ্গ না করার চেষ্টা করেছি, কিন্তু নৌযান না পাওয়ার কারণে বিলম্ব করতে বাধ্য হয়েছি। আজ

নৌযান পাওয়ায় মুদ্রা নিয়ে আপনার নিকট উপস্থিত হয়েছি।’ তখন ঐ ঋণদাতা লোকটি বলে’ আপনি আমার প্রাপ্য পার্ঠিয়ে দিয়েছিলেন কি? সে বলে, ‘আমি তো বলেই দিয়েছি যে, আমি নৌকা পাইনি।’ সে বলে, ‘আপনি আপনার অর্থ নিয়ে সন্তুষ্ট চিত্তে ফিরে যান। আপনি মহান আল্লাহর ওপর নির্ভর করে কাঠের মধ্যে ভরে যে মুদ্রা নদীদে ফেলে দিয়েছিলেন তা মহান আল্লাহ্ আমার নিকট পৌঁছে দিয়েছেন এবং আমি আমার পূর্ণপ্রাপ্য পেয়েছি।’ এই হাদীসের সনদ সম্পূর্ণ সঠিক। সহীহুল বুখারীতে সাত জায়গায় এই হাদীসটি এসেছে। (সহীহুল বুখারী ৩/৪২৪, হাঃ ১৪৯৮, ৪/৩৫০/২০৬৩, ৪/৫৪৮/২২৯১, ৫/৮১/২৪০৪, ৫/১০২/২৪৩০, ৫/৪১৬/২৭৩৪, ১১/৫০/৬২৬১)

অতঃপর মহান আল্লাহ্ বলেনঃ (وَلْيَكْتُمِبَنَّكُمْ كَاتِبٌ بِالْعَدْلِ) ‘লেখক যেন ন্যায় ও সত্যের সাথে লিখে।’ লেখার ব্যাপারে যেন কোন দলের ওপর অত্যাচার না করে। এদিক ওদিক কিছু কম বেশি না করে। বরং আদান প্রদানকারী একমত হয়ে যা তাকে লিখতে বলবে ঠিক তাই যেন সে লিখে দেয়। যেমন তার প্রতি মহান আল্লাহর অনুগ্রহ রয়েছে যে, তিনি তাকে লিখা-পড়া শিখিয়েছেন, তেমনই যারা লিখা-পড়া জানে না তাদের প্রতি সেও যেন অনুগ্রহ প্রদর্শন করে। তাদের আদান প্রদান ঠিকভাবে লিখে দেয়। হাদীসে রয়েছে: إِنَّ مِنَ الصَّدَقَةِ أَنْ تُعِينَنَّ صَانِعًا أَوْ تُصْنَعَ لِأَخْرَقِ.

‘কোন কার্যরত ব্যক্তিকে সাহায্য করা এবং কোন অক্ষম ব্যক্তির কাজ করে দেয়াও সাদাকাহ।’ (সহীহুল বুখারী-৫/১৭৬/২৫১৮, ফাতহুল বারী -৫/১৭৬, সহীহ মুসলিম-১/১৩৬/৮৯, মুসনাদ আহমাদ -৫/১৫০) অন্য হাদীসে রয়েছে যে, রাসূলুল্লাহ (সাল্লাল্লাহু ‘আলাইহি ওয়া সাল্লাম) বলেছেন: مَنْ كَتَمَ عِلْمًا يَعْلَمُهُ الْجَمْعُ يَوْمَ الْقِيَامَةِ يُلْجَأُ مِنْ نَارٍ.

‘যে বিদ্যা জেনে তা গোপন করে, কিয়ামতের দিন তাকে আগুনের লাগাম পড়ানো হবে।’ (তাফসীর তাবারী -৫/১১)

মুজাহিদ (রহঃ) এবং ‘আতা (রহঃ) বলেনঃ ‘এই আয়াতের অনুসারে লিখে দেয়া লেখকের ওপর ওয়াজিব।’ লিখিয়ে নেয়ার দায়িত্ব যার ওপর রয়েছে সে যেন হক ও সত্যের সাথে লিখিয়ে নেয় এবং মহান আল্লাহকে ভয় করে যেন বেশি-কম না করে এবং বিশ্বাস ঘাতকতা না করে। যদি এই লোকটি অবুঝ হয়, দুর্বল হয়, নাবালক হয়, জ্ঞান ঠিক না থাকে কিংবা নিবুদ্দিতার কারণে লিখিয়ে নিতে অসমর্থ হয় তাহলে তার অভিভাবক ও জ্ঞানী ব্যক্তি লিখিয়ে নিবে।

চুক্তি লিখার সময় সাক্ষীর উপস্থিত থাকতে হবে

অতঃপর বলা হচ্ছে: (وَاسْتَشْهِدُوا شَهِيدَيْنِ مِنْ رَجَالِكُمْ) চুক্তি লিখার সাথে সাথে সাক্ষ্যও হতে হবে, যেন এই আদান-প্রদানের ব্যাপারটি খুবই শক্ত ও পরিষ্কার হয়ে যায়। ‘তোমরা দু’জন পুরুষ লোককে সাক্ষী করবে। মহান আল্লাহ বলেন:

(فَإِنْ لَمْ يَكُنْ رَجُلَيْنِ فَرَجُلٍ وَامْرَأَتَيْنِ) ‘যদি দু’জন পুরুষ পাওয়া না যায় তাহলে একজন পুরুষ ও দু’জন স্ত্রী হলেও চলবে।’ এই নির্দেশ ধন-সম্পদের ব্যাপারে এবং সম্পদের উদ্দেশ্যে রয়েছে। স্ত্রী লোকের জ্ঞানের স্বল্পতার কারণেই দু’জন স্ত্রীলোককে একজন পুরুষের স্থলাভিষিক্ত করা হয়েছে। যেমন সহীহ মুসলিমে রয়েছে, রাসূলুল্লাহ (সাল্লাল্লাহু ‘আলাইহি ওয়া সাল্লাম) বলেছেন:

يَا مَعْشَرَ النِّسَاءِ، تَصَدَّقْنَ وَأَكْثِرْنَ الْإِسْتِغْفَارَ، فَإِنِّي رَأَيْتُكُمْ أَكْثَرَ أَهْلِ النَّارِ، فَقَالَتْ امْرَأَةٌ مِنْهُنَّ جَزَلَةٌ: وَمَا لَنَا يَا رَسُولَ اللَّهِ-أَكْثَرُ أَهْلِ النَّارِ؟ قَالَ: تَكْفُرْنَ اللَّعْنَ، وَتَكْفُرْنَ الْعَشِيرَ، مَا رَأَيْتُ مِنْ نَاقِصَاتِ عَقْلِ وَدِينٍ أَغْلَبَ لِيذِي لُبٍ مِنْكُمْ". قَالَتْ: يَا رَسُولَ اللَّهِ، مَا نُفْصَنُ الْعَقْلَ وَالِدِينَ؟ قَالَ: أَمَا نُفْصَنُ عَقْلَهَا فَتُشَاهِدُ أَمْرَاتَيْنِ تُعَدُّ شَهَادَةَ رَجُلٍ، فَهَذَا نُفْصَنُ الْعَقْلَ، وَتَمَكُّتُ اللَّيَالِي لَا تُصَلِّي، وَتُقَطِرُ فِي رَمَضَانَ، فَهَذَا نُفْصَنُ الدِّينَ.

‘হে মহিলারা! তোমরা দান-থায়রাত করো এবং খুব বেশি মহান আল্লাহর নিকট ক্ষমা প্রার্থনা করো। আমি জাহান্নামে তোমাদেরই সংখ্যা বেশি দেখেছি।’ এক মহিলা বললো, ‘হে মহান আল্লাহর রাসূল (সাল্লাল্লাহু ‘আলাইহি ওয়া সাল্লাম) ! এর কারণ কি?’ তিনি বললেন: ‘তোমরা খুব বেশি অভিশাপ দিয়ে থাকো এবং তোমাদের স্বামীদের অকৃপ্ততা প্রকাশ করে থাকো। তোমাদের জ্ঞান ও দ্বীনের স্বল্পতা সত্ত্বেও পুরুষদের জ্ঞানহরণকারিণী তোমাদের অপেক্ষা বেশি আর কেউ নেই।’ সে পুনরায় জিজ্ঞেস করে, ‘দীন ও জ্ঞানের স্বল্পতা কিরূপে?’ তিনি উত্তরে বলেন: ‘জ্ঞানের স্বল্পতা তো এর দ্বারাই প্রকাশিত হয়েছে যে, দু’জন স্ত্রী লোকের সাক্ষ্য একজন পুরুষ লোকের সাক্ষ্যের সমান; আর দ্বীনের স্বল্পতা এই যে, তোমাদের মাসিক অবস্থায় তোমরা সালাত আদায় করো না ও সিয়াম কামা করে থাকো।’ (সহীহ মুসলিম-১/৮৭/৮০, ১/১৩২/৮৬) সাক্ষীদের সম্বন্ধে বলা হয়েছে:

(مِمَّنْ تَرْضَوْنَ مِنَ الشُّهَدَاءِ أَنْ تَضِلَّ إِحْدَاهُمَا فَتُذَكِّرَ إِحْدَاهُمَا الْأُخْرَى) তাদের ন্যায়পরায়ণ হওয়া শর্ত। যারা ন্যায় পরায়ণ নয় তাদের সাক্ষ্য যারা প্রত্যাখ্যান করেছেন, এই আয়াতটিই তাদের দলীল। তারা বলেন যে, সাক্ষীগণকে অবশ্যই ন্যায়পরায়ণ হতে হবে। দু’জন স্ত্রীলোক নির্ধারণ করারও দূরদর্শিতা বর্ণনা করা হয়েছে যে, যদি একজন ভুলে যায় তাহলে অপরজন তাকে স্মরণ করিয়ে দিবে। ফাতুয়াক্বির শব্দটি অন্য পঠনে ‘ফাতুয়াক্বির’ রয়েছে। যারা বলেন যে, একজন মহিলার সাক্ষ্য যদি অন্য মহিলার সাক্ষ্যের সাথে মিলে যায় তখন তা পুরুষ লোকের সাক্ষ্যের মতই হয়ে যায়, এটা তাদের মনগড়া কথা। প্রথম উক্তিটিই সঠিক।

অতঃপর বলা হচ্ছে, ‘সাক্ষীদের ডাকা হলে তারা যেন অস্বীকার না করে’ অর্থাৎ যখন তাদেরকে বলা হবে তোমরা এসো ও সাক্ষী প্রদান করো, তখন তারা যেন অস্বীকৃত জ্ঞাপন না করে। যেমন লেখকদের ব্যাপারেও এটাই বলা হয়েছে। এখান থেকে এই উপকারও লাভ করা যাচ্ছে যে, সাক্ষী থাকা ফরযে কিফায়া। ‘জামহুরের মামহাব এটাই’ এ কথাও বলা হয়েছে। (তাফসীর তাবারী ৬/৬৮)

এই অর্থও বর্ণনা করা হয়েছে যে, যখন সাক্ষীদেরকে সাক্ষ্য প্রদানের জন্য ডাকা হবে অর্থাৎ যখন তাদেরকে ঘটনা জিজ্ঞেস করা হবে তখন যেন তারা সাক্ষ্য দেয়ার কাজ হতে বিরত না থাকে। আবু মুজাল্লায (রহঃ) , মুজাহিদ (রহঃ) প্রমুখ মনীষীগণ বলেন যে, যখন সাক্ষী হওয়ার জন্য কাউকে ডাকা হবে তখন তার সাক্ষী হওয়ার বা না হওয়ার অধিকার রয়েছে। কিন্তু সাক্ষী হয়ে যাওয়ার পর সাক্ষ্য প্রদানের জন্য আহ্বান করা হলে অবশ্যই যেতে হবে। (তাফসীর তাবারী -৬/৭১, তাফসীর ইবনু আবী হাতিম-৩/১১৮১) সহীহ মুসলিম ও সুনানের হাদীসে রয়েছে, রাসূলুল্লাহ (সাল্লাল্লাহু ‘আলাইহি ওয়া সাল্লাম) বলেছেন: ‘উত্তম সাক্ষী তারাই যারা সাক্ষ্য না চাইতেই সত্য প্রতিষ্ঠার লক্ষ্যে সাক্ষ্য দেয়।’ (সহীহ মুসলিম-৩/১৯/১৩৪৪, সুনান আবু দাউদ-৩৫৯৬, জামি‘তিরমিযী -৪/৪৭২/২২৯৫, মুসনাদ আহমাদ -৫/১৯৩, মুওয়াত্তা ইমাম মালিক-১/৩/ পৃষ্ঠা-৭২০, সুনান ইবনু মাজাহ-২/৭৯২/২৩৬৪) সহীহুল বুখারী ও সহীহ মুসলিমে রয়েছে, ‘জঘন্যতম সাক্ষী তারাই যাদের নিকট সাক্ষ্য না চাইতেই মিথ্যা সাক্ষ্য দেয়।’ অন্য একটি হাদীসে রয়েছে: ‘এমন লোক আসবে যাদের শপথ সাক্ষ্যের ওপর ও সাক্ষ্য শপথের ওপর আগে আগে থাকবে। (সহীহুল বুখারী- ৭/৫/৩৬৫১, সহীহ মুসলিম- ৪/২১০/১৯৬১, জামি‘তিরমিযী -৫/৩৮৫৯, সুনান ইবনু মাজাহ- ২/৭৯১/২৩৬২, মুসনাদ আহমাদ -১/৪১৭, ৪৩৪) এতে জানা যাচ্ছে যে, এসব নিন্দাসূচক কথা মিথ্যা সাক্ষ্য প্রদানকারীর সম্বন্ধেই বলা হয়েছে এবং ওপরের ঐ প্রশংসামূলক কথা সত্য সাক্ষ্য প্রদানকারী সম্বন্ধে বলা হয়েছে। এভাবেই এই পরস্পর বিরোধী হাদীসগুলোর মধ্যে অনুরূপ তা দান করা হবে। এই হাদীসমূহের পরিপ্রেক্ষিতে ইবনু ‘আব্বাস (রাঃ) প্রমুখ মনীষী বলেন, ‘সাক্ষ্য দিতে ও সাক্ষী হতে অস্বীকৃতি জ্ঞাপন করা উচিত নয়।

অতঃপর মহান আল্লাহ বলেন: ﴿وَلَا تَسْمُرُوا أَنْ تَكْتُمُوا صَغِيرًا أَوْ كَبِيرًا إِلَىٰ آخِلِهِ﴾ বিষয় বড়ই হোক আর ছোটই হোক, সময়ের মেয়াদ ইত্যাদি লিখে নাও। আমার এই নির্দেশ ন্যায় প্রতিষ্ঠাকারী এবং সাক্ষ্যের সঠিকতা সাব্যস্তকারী।’ কেননা নিজের লিখা দেখে বিস্মৃত কথাও স্মরণ হয়ে যায়। পক্ষান্তরে লিখা না থাকলে ভুল হয়ে যাওয়ার সম্ভাবনা রয়েছে। যেমন অধিকাংশ ক্ষেত্রে তা হয়ে থাকে। লিখা থাকলে সন্দেহের কোন অবকাশ থাকে না। কেননা মতানৈক্যের সময় লিখা দেখে নিঃসন্দেহে মীমাংসা করা যেতে পারে।

এরপর বলা হচ্ছে:

﴿وَلَا تَكُونُوا بَدَلًا وَلَا تَكُونُوا بَدَلًا وَلَا تَكُونُوا بَدَلًا﴾ যদি নগদ ক্রয়-বিক্রয় হয় তাহলে বিবাদের কোন সম্ভাবনা নেই বলে না লিখলেও কোন দোষ নেই।’ এখন রইলো সাক্ষ্য। এ ব্যাপারে সাঈদ ইবনুল মুসাইযাব (রহঃ) বলেন যে, ধার হোক আর নগদই হোক সর্বাবস্থায়ই সাক্ষী রাখতে হবে। অন্যান্য মনীষী থেকে বর্ণিত আছে: ﴿فَإِنْ أَمِنَ بَعْضُكُمْ بَعْضًا فَلْيُؤَدِّ الَّذِي أُؤْتِنَ أَمَانَتَهُ﴾ এ কথা বলে মহান আল্লাহ সাক্ষ্য প্রদানের নির্দেশও উঠিয়ে নিয়েছেন। এটাও মনে রাখার বিষয় যে, জামহুরের মতে এই নির্দেশ ওয়াজিবের জন্য নয়, বরং এর মধ্যে মঙ্গল নিহিত আছে বলে মুস্তাহাব হিসাবে এই নির্দেশ দেয়া হয়েছে। এর দলীল হচ্ছে নিম্নের হাদীসটি যা খুযায়মাহ ইবনু সাবিত আল আনসারী (রহঃ) থেকে ইমাম আহমাদ (রহঃ) বর্ণনা করেছেন। ‘উম্মারাহ ইবনু খুযায়মাহ আল আনসারী (রহঃ) বলেন, তার চাচা যিনি রাসূলুল্লাহ (সাল্লাল্লাহু ‘আলাইহি ওয়া সাল্লাম) -এর একজন সাহাবী ছিলেন, তিনি বলেন যে, একবার রাসূলুল্লাহ (সাল্লাল্লাহু ‘আলাইহি ওয়া সাল্লাম) এক বেদুঈনের সাথে একটি ঘোড়া কেনার ব্যাপারে চুক্তিবদ্ধ হয়েছিলেন। রাসূলুল্লাহ (সাল্লাল্লাহু ‘আলাইহি ওয়া সাল্লাম) বেদুঈনকে তাঁর পিছন পিছন বাড়ীতে চলে আসতে বলেন, যাতে তিনি তার ঘোড়ার মূল্য দিয়ে দিতে পারেন। বেদুঈনটি মূল্য নেয়ার উদ্দেশ্যে তাঁর পিছনে পিছনে তাঁর বাড়ীর দিকে আসে। রাসূলুল্লাহ (সাল্লাল্লাহু

‘আলাইহি ওয়া সাল্লাম) খুব দ্রুত চলছিলেন এবং বেদুঈনটি ধীরে ধীরে চলছিলো। ঘোড়াটি যে বিক্রি হয়ে গেছে এ সংবাদ জনগণ জানতো না বলে তারা ঐ ঘোড়ার দাম করতে থাকে এবং রাসূলুল্লাহ (সাল্লাল্লাহু ‘আলাইহি ওয়া সাল্লাম) -এর নিকট ঘোড়াটি যে দামে বিক্রি করেছিলো তার চেয়ে বেশি দাম উঠে যায়। বেদুঈন নিয়ত পরিবর্তন করে রাসূলুল্লাহ (সাল্লাল্লাহু ‘আলাইহি ওয়া সাল্লাম) -কে ডাক দিয়ে বলে: ‘জনাব, আপনি হয় ঘোড়াটি ক্রয় করুন, না হয় আমি অন্যের হাতে বিক্রি করে দেই।’ এ কথা শুনে নবী (সাল্লাল্লাহু ‘আলাইহি ওয়া সাল্লাম) থেমে যান এবং বলেন: ‘তুমি তো ঘোড়াটি আমার কাছে বিক্রি করেই ফেলেছো; সুতরাং এখন আবার কি বলছো?’ বেদুঈনটি তখন বলে: ‘মহান আল্লাহর শপথ! আমি বিক্রি করিনি।’ রাসূলুল্লাহ (সাল্লাল্লাহু ‘আলাইহি ওয়া সাল্লাম) বলেন, তোমার ও আমার মধ্যে ক্রয়-বিক্রয় হয়ে গেছে।’ এখন এদিক ওদিক থেকে লোক এ কথা ও কথা বলতে থাকে। ঐ নির্বোধ তখন বলে, আমি আপনার নিকট বিক্রি করেছি তার সাক্ষী নিয়ে আসুন। মুসলিমগণ তাকে বার বার বলে, ওরে হতভাগা! তিনি তো মহান আল্লাহর রাসূল (সাল্লাল্লাহু ‘আলাইহি ওয়া সাল্লাম) , তাঁর মুখ দিয়ে তো সত্য কথাই বের হবে। কিন্তু তাঁর ঐ একই কথা, সাক্ষ্য নিয়ে আসুন। এ সময় খুযায়মাহ (রাঃ) এসে পড়ে এবং বেদুঈনের কথা শুনে বলেন: আমি সাক্ষ্য দিচ্ছি যে, তুমি রাসূলুল্লাহ (সাল্লাল্লাহু ‘আলাইহি ওয়া সাল্লাম) -এর কাছে ঘোড়াটি বিক্রি করেছো। রাসূলুল্লাহ (সাল্লাল্লাহু ‘আলাইহি ওয়া সাল্লাম) তাকে বলেন: তুমি কি করে সাক্ষ্য দিচ্ছো? তিনি বলেন: আপনার সত্যবাদিতার ওপর ভিত্তি করে। তখন রাসূলুল্লাহ (সাল্লাল্লাহু ‘আলাইহি ওয়া সাল্লাম) বলেন: ‘আজ খুযায়মাহ (রাঃ) -এর সাক্ষ্য দু’জন সাক্ষীর সাক্ষ্যের সমান। (হাদীসটি সহীহ। মুসনাদ আহমাদ -৫/২১৫, ২১৬, সুনান আবু দাউদ-৩/৩০৮/৩৬০৭, সুনান নাসাঈ -৭/৩৪৭/৪৬৬১) সুতরাং এ হাদীস দ্বারা ক্রয়-বিক্রয়ের ব্যাপারে সাক্ষ্য প্রদানের বাধ্য বাধ্যকতা প্রমাণিত হয় না। কিন্তু মঙ্গল এর মধ্যেই রয়েছে যে, ব্যবসা বাণিজ্যেরও সাক্ষী রাখতে হবে। মহানবী (সাল্লাল্লাহু ‘আলাইহি ওয়া সাল্লাম) বলেন:

ثَلَاثَةٌ يَدْعُونَ اللَّهَ فَلَا يُسْتَجَابُ لَهُمْ: رَجُلٌ لَهُ امْرَأَةٌ سَيِّئَةُ الْخُلُقِ فَلَمْ يُطَلِّقْهَا، وَرَجُلٌ دَفَعَ مَالَ يَتِيمٍ قَبْلَ أَنْ يَبْلُغَ، وَرَجُلٌ أَقْرَضَ رَجُلًا مَالًا فَلَمْ يَشْهَدْ.

‘তিন শ্রেণির লোক মহান আল্লাহকে ডাকবে কিন্তু মহান আল্লাহ তাদের ডাকে সাড়া দিবেন না। ১. ঐ পুরুষ লোক যার স্ত্রী খারাপ হওয়া সত্ত্বেও তালাক দেয় না। ২. ঐ লোক যে ইয়াতীমরা প্রাপ্ত বয়স্ক হওয়ার পূর্বেই সম্পদ তাদের নিকট হস্তান্তর করে। ৩. ঐ লোক যে কোন ব্যক্তিকে উত্তম ঋণ প্রদান করে কিন্তু তাতে কোন সাক্ষী রাখে না। (হাদীসটি সহীহ। মুসতাদরাক হাকিম-২/৩০২, সিলসিলাতুস সহীহাহ-১৮০৫)

এরপর বলা হচ্ছে: (وَلَا يُضَارَّ كَاتِبٌ وَلَا شَهِيدٌ) যা লিখিয়ে নিচ্ছে লেখক যেন তার বিপরীত কথা না লিখে।’ অনুরূপভাবে সাক্ষীরও উচিত যে, সে যেন মূল ঘটনার উল্টা সাক্ষ্য না দেয় অথবা সাক্ষ্য প্রদানে কার্পণ্য না করে। হাসান বাসরী (রহঃ) এবং কাতাদাহ (রহঃ) প্রমুখ মনীষীর এটাই উক্তি। (তাফসীর তাবারী - ৬/৮৫, ৮৬)

অতঃপর ইরশাদ হচ্ছে: (وَإِنْ تَفْعَلُوا فَإِنَّهُ فُسُوقٌ بِكُمْ) আমি যা করতে নিষেধ করি তা করা এবং যা করতে বলি তা হতে বিরত থাকা চরম অন্যায়া। এর শাস্তি তোমাদেরকে অবশ্যই ভোগ করতে হবে। এরপর মহান আল্লাহ বলেন: (وَاتَّقُوا اللَّهَ وَيُعَلِّمُكُمُ اللَّهُ)

তোমরা প্রতিটি কাজে মহান আল্লাহর কথা স্মরণ করে তাকে ভয় করে চলো, তাঁর আদেশ পালন করো এবং তাঁর নিষিদ্ধ কাজ হতে বিরত থাকো।

যেমন মহান আল্লাহ বলেন: ﴿يَا أَيُّهَا الَّذِينَ آمَنُوا إِن تَتَّقُوا اللَّهَ يَجْعَلْ لَكُمْ فُرْقَانًا﴾

হে মু'মিনগণ! তোমরা যদি মহান আল্লাহকে ভয় করো তাহলে তিনি তোমাদেরকে ন্যায়-অন্যায় পার্থক্য করার একটি মান নির্ণায়ক শক্তি দান করবেন। (৮ নং সূরাহ আনফাল, আয়াত নং ২৯)

অন্য স্থানে রয়েছে:

﴿يَا أَيُّهَا الَّذِينَ آمَنُوا اتَّقُوا اللَّهَ وَ آمِنُوا بِرَسُولِهِ يُؤْتِكُمْ كِفْلَيْنِ مِنْ رَحْمَتِهِ وَ يَجْعَلْ لَكُمْ نُورًا تَمْشُونَ بِهِ﴾

হে মু'মিনগণ! মহান আল্লাহকে ভয় করো এবং তাঁর রাসূলের প্রতি বিশ্বাস স্থাপন করো, তিনি তাঁর অনুগ্রহে তোমাদেরকে দিবেন দ্বিগুণ পুরস্কার এবং তিনি তোমাদেরকে দিবেন আলো, যার সাহায্যে তোমরা চলবে। (৫৭ নং সূরাহ হাদীদ, আয়াত নং ২৮)

অতঃপর মহান আল্লাহ বলেন: ﴿وَاللَّهُ بِكُلِّ شَيْءٍ عَلِيمٌ﴾

কার্যসমূহের পরিণাম এবং গুঢ় রহস্য সম্পর্কে, ঐগুলোর মঙ্গল ও দূরদর্শিতা সম্পর্কে মহান আল্লাহ সম্পূর্ণ সজাগ রয়েছেন। কোন কিছুই তাঁর দৃষ্টির অন্তরালে নেই; তাঁর জ্ঞান সারা জগতকে ঘিরে রয়েছে এবং প্রত্যেক জিনিসেই প্রকৃত জ্ঞান তাঁর রয়েছে।

[১] আলোচ্য আয়াতসমূহে লেন-দেন সম্পর্কিত আইনের জরুরী মূলনীতি ব্যক্ত হয়েছে। যাকে চুক্তিনামাও বলা যেতে পারে। এরপর সাক্ষ্য-বিধির বিশেষ ধারা উল্লেখিত হয়েছে। আজকাল লেখালেখির যুগ। লেখাই মুখের কথার স্থলাভিষিক্ত হয়ে গেছে। কিন্তু আপনি চৌদ্দ শ' বছর পূর্বের দিকে তাকিয়ে দেখুন। তখন দুনিয়ার সব কাজকারবার ও ব্যবসা-বাণিজ্য মুখে মুখেই চলত। লেখালেখি এবং দলীল-দস্তাবেজের প্রথা প্রচলন ছিল না। সর্বপ্রথম কুরআনুল কারাম এদিকে মানুষের দৃষ্টি আকর্ষণ করেছে। বলা হয়েছে “তোমরা যখন পরস্পর নির্দিষ্ট মেয়াদের জন্য ধার-কর্জের কারবার কর, তখন তা লিখে নাও”। এতে প্রথম নীতি এই যে, ধার-কর্জের লেনদেনে দলীল-দস্তাবেজ লিপিবদ্ধ করা উচিত - যাতে ভুল-ভ্রান্তি অথবা কোন পক্ষ থেকে অস্বীকৃতির কোন পরিস্থিতির উদ্ভব হলে তখন কাজে লাগে।

দ্বিতীয়তঃ ধার-কর্জের ব্যাপারে মেয়াদ অবশ্যই নির্দিষ্ট করতে হবে। অনির্দিষ্ট সময়ের জন্য ধার-কর্জের লেন-দেন জায়েয নয়। এতে কলহ-বিবাদের দ্বার উন্মুক্ত হয়। এ কারণেই ফেকাহবিদগণ বলেছেনঃ মেয়াদও এমন নির্দিষ্ট করতে হবে, যাতে কোনরূপ অস্পষ্টতা না থাকে। মাস এবং দিন তারিখসহ নির্দিষ্ট করতে হবে। কোনরূপ অস্পষ্ট মেয়াদ, যেমন ‘ধান কাটার সময়’- এরূপ নির্ধাতির করা যাবে না। কেননা, আবহাওয়ার পরিবর্তনে ধান কাটার সময় আগে-পিছে হয়ে যেতে পারে। [মা'আরিফুল কুরআন]

[২] অর্থাৎ এটা জরুরী যে, তোমাদের মধ্যে কোন লেখক ন্যায়সঙ্গতভাবে লিখবে। এতে একদিকে নির্দেশ দেয়া হয়েছে যে, লেখক কোন এক পক্ষের লোক হতে পারবে না; বরং নিরপেক্ষ হতে হবে - যাতে কারো মনে সন্দেহ-সংশয় না থাকে। অপরদিকে লেখককে ন্যায়সঙ্গতভাবে লিখতে নির্দেশ দেয়া হয়েছে। অন্যের ক্ষণস্থায়ী উপকার করে নিজের চিরস্থায়ী ক্ষতি করা তার পক্ষে উচিত হবে না। এরপর লেখককে বলা হয়েছে যে, আল্লাহ তা'আলা তাকে এ লেখার বিদ্যা দান করেছেন। এর কৃতজ্ঞতা এই যে, সে লিখতে অস্বীকার করবে না। [মা'আরিফুল কুরআন]

[৩] এরপর দলীল কোন পক্ষ থেকে লিখতে হবে সে সম্পর্কে বলা হয়েছেঃ যার দায়িত্বে দেনা, সে লেখাবে। উদাহরণতঃ এক ব্যক্তি সওদা কিনে মূল্য বাকী রাখল। এখানে যার দায়িত্বে দেনা হচ্ছে, সে দলীলের বিষয়বস্তু লেখাবে। কেননা, এটা হবে তার পক্ষ থেকে স্বীকৃতি বা অঙ্গীকারপত্র।

[৪] লেন-দেনের ব্যাপারে দেনাদার ব্যক্তি কখনো নির্বোধ বা অক্ষম, বৃদ্ধ, অপ্ৰাপ্তবয়স্ক বালক, মুক অথবা অন্য ভাষাভাষী হতে পারে। এ কারণে দলীলের বিষয়বস্তু বলে দেয়া তার পক্ষে সম্ভব নাও হতে পারে। তাই এমন পরিস্থিতির উদ্ভব হলে তার পক্ষ থেকে তার কোন অভিভাবক লেখাবে। পাগল ও নাবালেগের তো অভিভাবক থাকেই। তাদের সব কাজ-কারবার অভিভাবক দ্বারাই সম্পন্ন হয়। মুক ও অন্য ভাষাভাষীর অভিভাবকও এ কাজ সম্পন্ন করতে পারে। যদি তারা কাউকে উকিল নিযুক্ত করে, তাতেও চলবে। এখানে কুরআনুল কারীমের ‘ওলী’ শব্দটি উভয় অর্থই বোঝায়।

[৫] এখানে বলা হয়েছে যে, দলীলের লেখাকেই যথেষ্ট মনে করবে না; বরং এতে সাক্ষ্যও রাখবে - যাতে কোন সময় পারস্পরিক কলহ দেখা দিলে আদালতে সাক্ষীদের সাক্ষ্য দ্বারা ফয়সালা হতে পারে। এ কারণেই ফেকাহবিদগণ বলেছেন যে, লেখা শরীআতসম্মত প্রমাণ নয়, তাই লেখার সমর্থনে শরীআতসম্মত সাক্ষ্য বিদ্যমান না থাকলে শুধু লেখার উপর ভিত্তি করে ফয়সালা করা যায় না। আজকালকার সাধারণ আদালতসমূহেও এ রীতিই প্রচলিত রয়েছে। লেখার মৌখিক সত্যায়ন ও তৎসমর্থনে সাক্ষ্য ব্যতীত কোন ফয়সালা করা হয় না। আয়াতে এরপর সাক্ষ্য-বিধির কতিপয় জরুরী নীতি বর্ণনা করা হয়েছে। উদাহরণতঃ (১) সাক্ষী দু'জন পুরুষ অথবা একজন পুরুষ ও দু'জন মহিলা হওয়া জরুরী। একা একজন পুরুষ অথবা শুধু দু'জন মহিলা সাধারণ লেন-দেনের সাক্ষ্যের জন্য যথেষ্ট নয়। অনুরূপভাবে (২) সাক্ষী মুসলিম হতে হবে। (مِنْ رَجَالِكُمْ) শব্দে এদিকেই নির্দেশ করা হয়েছে। (৩) সাক্ষী নির্ভরযোগ্য ‘আদিল’ (বিশ্বস্ত) হতে হবে, যার কথার উপর আস্থা রাখা যায় ফাসেক ও ফাজের (অর্থাৎ পাপাচারী) হলে চলবে না। " (مِمَّنْ تَرْضَوْنَ مِنَ الشُّهَدَاءِ) বাক্যে এ নির্দেশ রয়েছে।

[৬] আয়াতের উদ্দেশ্য এই যে, যখন কোন ব্যাপারে কাউকে সাক্ষী করার জন্য ডাকা হয়, তখন সে যেন আসতে অস্বীকার না করে। কেননা, সাক্ষ্যই হচ্ছে সত্য প্রতিষ্ঠিত করার এবং বিবাদ মেটানোর উপায় ও পন্থা। কাজেই একে জরুরী জাতীয় কাজ মনে করে কষ্ট স্বীকার করবে। এরপর আবার লেন-দেনের দলীল লিপিবদ্ধ করার উপর জোর দিয়ে বলা হয়েছে: লেন-দেন ছোট কিংবা বড় হোক – সবই লিপিবদ্ধ করা দরকার। এ ব্যাপার বিরক্তিবোধ করা উচিত নয়। কেননা, লেন-দেন লিপিবদ্ধ করা সত্য প্রতিষ্ঠিত রাখতে, নির্ভুল সাক্ষ্য দিতে এবং সন্দেহ থেকে বেঁচে থাকতে চমৎকাররূপে সহযোগীতা করে। যদি নগদ লেন-দেন হয় – বাকী না হয়, তবে তা লিপিবদ্ধ না করলেও ক্ষতি নেই। তবে এ ব্যাপারেও কমপক্ষে সাক্ষী রাখা বাঞ্ছনীয়। কেননা, উভয় পক্ষের মধ্যে কোন সময় মতবিরোধ দেখা দিতে পারে। উদাহরণতঃ বিক্রেতা মূল্যপ্রাপ্তি অস্বীকার করতে পারে কিংবা ক্রেতা বলতে পারে যে, সে ক্রীতবস্তু বুঝে পায়নি। এ মতবিরোধ মীমাংসার ক্ষেত্রে সাক্ষ্য কাজে লাগবে। [মা'আরিফুল কুরআন]

[৭] আয়াতের শুরুতে নির্দেশ দেয়া হয়েছে যে, তারা যেন লিখতে ও সাক্ষী দিতে অস্বীকার না করে। এমতাবস্থায় তাদেরকে হয়ত মানুষ বিরক্ত করে তুলতে পারত। তাই আয়াতের শেষ ভাগে বলা হয়েছে,

(وَلَا يُضَارَّ كَاتِبٌ وَلَا شَهِيدٌ)

অর্থাৎ কোন লেখক বা সাক্ষীকে যেন ক্ষতিগ্রস্ত করা না হয়। নিজের উপকারের জন্য যেন তাদের বিরত না করা হয়। এরপর বলা হয়েছে,

(وَأِنْ تَفْعَلُوا فَإِنَّهُ فُسُوقٌ بِكُمْ)

অর্থাৎ তোমরা যদি লেখক বা সাক্ষীকে বিরত কর, তবে এতে তোমাদের গোনাহ হবে। এতে বোঝা গেল যে, লেখক কিংবা সাক্ষীকে বিরত বা ক্ষতিগ্রস্ত করা হারাম। এ কারণেই ফকীহগণ বলেনঃ যদি লেখক লেখার পারিশ্রমিক দাবী করে কিংবা সাক্ষী যাতায়াত খরচ চায়, তবে এটা তাদের নায্য অধিকার। তা না দেয়াও তাদেরকে ক্ষতিগ্রস্ত ও বিরত করার শামিল এবং অবৈধ। ইসলাম বিচার ব্যবস্থায় যেমন সাক্ষীকে সাক্ষ্যদানে বাধ্য করেছে এবং সাক্ষ্য গোপন করাকে কঠোর অপরাধ সাব্যস্ত করেছে, তেমনি এ ব্যবস্থাও করেছে, যাতে কেউ সাক্ষ্য দেয়া থেকে গা বাঁচাতে বাধ্য না হয়।

আয়াতের বাহ্যিক ভাব প্রমাণ করছে ঋণ লিখে রাখা অপরিহার্য। কিন্তু পরের আয়াত প্রমাণ করছে তা লিখে রাখা অপরিহার্য নয়। বরং লিখে রাখা উত্তম।

অত্র আয়াতকে “আয়াতুদ দাইন” বা ঋণের আয়াত বলা হয়। কুরআনুল কারীমের এটা সবচেয়ে বড় আয়াত। যেহেতু পূর্বের আয়াতে সুদকে কঠোরভাবে হারাম করে দান-সদাকাহ করার প্রতি উৎসাহ প্রদান করা হয়েছে সেহেতু সমাজে বসবাসকারীদের মাঝে ঋণ গ্রহণ করার প্রয়োজনীয়তা দেখা দিবেই। কারণ সুদ হারাম, সব মানুষ দান-সদাকাহ করার ক্ষমতা রাখে না। তাছাড়া সবাই দান-সদাকাহ নিতে পছন্দও করে না। সুতরাং প্রয়োজন সাড়ার অন্যতম উপায় ঋণ আদান-প্রাদান করা। ঋণ দেয়াও বড় ফযীলতের কাজ বলে হাদীসে উল্লেখ রয়েছে। রাসূলুল্লাহ (সাল্লাল্লাহু ‘আলাইহি ওয়া সাল্লাম) বলেন: কিয়ামতের দিন একজন লোককে আল্লাহ তা‘আলার সামনে আনা হবে। তাকে আল্লাহ তা‘আলা জিজ্ঞাসা করবেন: বল, তুমি আমার জন্য কী পুণ্য করেছ? সে বলবে: হে আল্লাহ! আমি এমন একটি অণু পরিমাণও পুণ্যের কাজ করতে পারিনি যার প্রতিদান আমি আপনার নিকট চাইতে পারি। আল্লাহ তা‘আলা তাকে পুনরায় এটাই জিজ্ঞাসা করবেন এবং সে একই উত্তর দেবে। আল্লাহ তা‘আলা আবার জিজ্ঞাসা করবেন তখন সে বলবে: হে আল্লাহ! একটি সামান্য কথা মনে পড়েছে। আপনি দয়া করে আমাকে কিছু সম্পদ দান করেছিলেন। আমি ব্যবসায়ী ছিলাম। লোক আমার নিকট হতে কর্জ নিয়ে যেতো। আমি যখন দেখতাম যে, এ লোকটি দরিদ্র এবং পরিশোধ করতে পারছে না তখন তাকে কিছু সময় অবকাশ দিতাম। ধনীদেব ওপরও পীড়াপীড়ি করতাম না। অত্যন্ত দরিদ্র ব্যক্তিদের ক্ষমা করে দিতাম। তখন আল্লাহ তা‘আলা বলেন: তাহলে আমি তোমার পথ সহজ করবো না কেন? আমি তো সর্বাপেক্ষা বেশি সহজকারী। যাও আমি তোমাকে ক্ষমা করে দিলাম। তুমি জান্নাতে চলে যাও। (সহীহ বুখারী হা: ২০৭৭)

ঋণ বা যে কোন লেন-দেন আদান-প্রদানের কয়েকটি নিয়ম-কানুন আল্লাহ তা‘আলা অত্র আয়াতে উল্লেখ করেছেন। কারণ সাধারণত টাকা-পয়সা ও মূল্যবান দ্রব্য লেন-দেনে কলহ-বিবাদ ও ভুল বুঝাবুঝি হয়ে থাকে। এর মাধ্যমে মানুষের গভীর সম্পর্কও নষ্ট হয়ে যায়। তাই এমন নাজুক পরিস্থিতি হতে রক্ষা পাওয়ার জন্য আল্লাহ তা‘আলা বিধান দিলেন- (১) মেয়াদ নির্দিষ্ট করে নেয়া। (২) লিখে রাখা। (৩) দু’জন মুসলিম পুরুষকে বা একজন পুরুষ ও দু’জন মহিলাকে সাক্ষী রাখা।

(وَلْيُمْلِلِ الَّذِي عَلَيْهِ)

“আর ঋণগ্রহীতা লেখার বিষয় বলে দেবে” এখানে বলা হচ্ছে ঋণ গ্রহীতা যদি নির্বোধ অথবা দুর্বল শিশু কিংবা পাগল হয় তাহলে তার অভিভাবকদের উচিত ইনসাফের সাথে লিখে নেয়া যাতে ঋণদাতার কোন ক্ষতি না হয়।

“দু’জন মহিলা” এখানে একজন পুরুষের মোকাবেলায় দু’জন নারীকে সমান করা হয়েছে। কারণ মহিলারা দীনে ও স্মরণশক্তিতে পুরুষের চেয়ে দুর্বল। এখানে মহিলাদেরকে তুচ্ছ করে দেখা হয়নি। বরং সৃষ্টিগত দুর্বলতার কথা বলা হয়েছে। রাসূলুল্লাহ (সাল্লাল্লাহু ‘আলাইহি ওয়া সাল্লাম) বলেন:

مَا رَأَيْتُ مِنْ نَاقِصَاتِ عَقْلِ وَدِينٍ أَغْلَبَ لِيذِي لُبٍّ مُنْكَنَّ

“জ্ঞান ও দীনদারীত্ব কম হওয়া সত্ত্বেও জ্ঞানীদেরকে এত দ্রুত পরাস্ত করতে পারে, এমনটি তোমাদের (মহিলাদের) ছাড়া অন্য কাউকে দেখিনি। জিজ্ঞাসা করা হল- দীন ও জ্ঞান কম কোন্ দিক দিয়ে? রাসূলুল্লাহ (সাল্লাল্লাহু ‘আলাইহি ওয়া সাল্লাম) বললেন: কিছু দিন তোমরা সালাত আদায় কর না এবং সিয়াম পালন কর না এটা দীনের দিক দিয়ে কম। আর তোমাদের দু’জনের সাক্ষ্য একজন পুরুষের সমান। এটা জ্ঞানের দিক দিয়ে কম।” (সহীহ বুখারী হা: ৩০৪, ১৪৬২)

(وَإِنْ كُنْتُمْ عَلَىٰ سَفَرٍ)

“আর যদি তোমরা সফরে থাক” যদি কারো সফরে লেনদেনের প্রয়োজন হয় আর লেখক না পায় তাহলে ঋণদাতা ঋণগ্রহীতার কাছ থেকে কোন জিনিস বন্ধক রাখবে। বন্ধক রাখা শরীয়তসম্মত নিয়ম। রাসূলুল্লাহ (সাল্লাল্লাহু ‘আলাইহি ওয়া সাল্লাম) তাঁর বর্ম এক ইয়াহুদীর কাছ বন্ধক রেখেছিলেন। (সহীহ বুখারী হা: ২২০০)। বন্ধক রাখা জিনিস যদি এমন হয় যার দ্বারা উপকৃত হওয়া যায়, তাহলে তার উপকারিতার অধিকারী হবে মালিক; ঋণদাতা নয়। অবশ্য বন্ধক রাখা জিনিসে যদি ঋণদাতার কোন কিছু ব্যয় হয়, তবে সে তার খরচ নিতে পারবে। খরচ নিয়ে নেয়ার পর অবশিষ্ট লাভ মালিককে দেয়া জরুরী।

(وَلَا تَكْتُمُوا الشَّهَادَةَ)

‘আর তোমরা সাক্ষ্য গোপন কর না’ সাক্ষ্য গোপন করা হারাম ও কবীরা গুনাহ। যে ব্যক্তি সাক্ষ্য গোপন করবে তার জন্য সহীহ হাদীসেও অনেক কঠিন শাস্তির কথা বলা হয়েছে। (সহীহ মুসলিম হা: ২৫৩৫, ১৭১৯)

আয়াত থেকে শিক্ষণীয় বিষয়:

১. ঋণ লেনদেন শরীয়তসম্মত, তবে অন্যায় ও পাপ কাজের জন্য ঋণ দেয়া যাবে না।
২. সকল লেনদেনে সময় উল্লেখ থাকা জরুরী।
৩. লেখককে অবশ্যই ন্যায় ও নিষ্ঠার সাথে লেখতে হবে, কোনরূপ কারচুপি করা যাবে না।

৪. ক্রয়-বিক্রয়ের ক্ষেত্রেও সাক্ষীর প্রয়োজন হলে রাখা উচিত।
৫. দুজন সাক্ষীর হিকমত হল একজন ভুলে গেলে অন্যজন স্মরণ করে দেবে।
৬. জেনে শুনে ও সত্যতার সাথে সাক্ষ্য দিতে হবে।
৭. কাউকে সাক্ষী হিসেবে থাকতে বললে বাধা দেয়া যাবে না।
৯. লেখা ও সাক্ষ্য দেয়ার ফলে প্রতিদান নেয়া যাবে না।
৮. সাক্ষ্য গোপন করা হারাম, তা দুনিয়ার কোন বিষয় হোক বা দীনের কোন বিষয় হোক।